

■ BLECS

Cul furlan si va ancje in Americhe

Tropis voltis no vino sintût "Cul furlan no tu vadis di nissune bande..."? Po ben,alore cuant che lu tornarès a sintî, o podarès rispindi cul articul di www.weitalians.com, il portâl de comunitât taliane in Americhe. Ai 11 di Març al à recensît "Blecs, clips of Friulian" la video vuide di conversazion, par inglès e furlan, realizade di **Massimo Garlatti-Costa** par Ente Friuli nel Mondo.

Te recension, oltri che descrivi il progjet, si presente ancje la protagoniste **Jessica Purkeypyle**, di mari furlane e pari american, che e à imparât il furlan de none. Blecs, te version par inglès al à protagonist ancje **Daniele Fanzutto** e al è disponibil su youtube o sul sît www.friulinelmondo.it.

Il progjet al cjape dentri ancje la version par spagnûl-furlan e la version par talian-furlan, tun format colaudât di 24 pontadis dulà che i 2 insegnants a judin i utents a imparà frasis curtis par une conversazion di base.

SCOLTADIS DI DRIUS**Ce dūr il colomp**

Trop stajal a cueisi un colomp? "Aghe bulint, dongje tu mètis un clap. Co el clap al devente cjalchine el colomp a l'è cuèt".



Che sedi la volte buine



Il senatôr
Francesco
Palermo

Al torne a movisi in parlament l'iter pe ratifiche de CjarTE europeane des lenghis regionâls e minoritariis, firmade tal 2000. Il pont de situazion cul senatôr **Francesco Palermo**. » DI CHRISTIAN ROMANINI

Al jere il 2000 cuant che la Italie e à firmât la CjarTE europeane des lenghis regionâls e minoritariis. Di in chê volte e mancje la ratifiche, ma dopo cuasi 15 agns alc al torne a movisi in Parlament. O vin contât il senatôr sudtiroles **Francesco Palermo**, professôr di dirit costituzionâl comparât e diretôr dal istitût sul federalisim dal Eurac di Bolzan, che al è relatôr de comission Afârs costituzionâi e autôr dal Dissen di leç 560.

Ce ise cheste CjarTE europeane?

"Un tratât internazionâl adotât dal Consei di Europe tal 1992 e

l'unic che al tutele lis lenghis tant che ben culturâl. Su 47 Stâts che a fasin part dal Consei, lu àn ratificât in 25. Si trate di une norme complementâr ae Convenzion cuadri pe protezion des minorancis nazionâls, un altri tratât european che invezit al tutele lis personis che a son part di una minorance: cheste e je stade firmade e ratificade de Italie."

Ce aie fat la Italie fin cumò?

"Cuant che un Stât al firme un tratât european, si impegne a ratificâlu, ven a stâi a fâlu jentrâ tal so ordenament statâl. Daûr dal articul 87 de nestre Costituzion,

fin cuant che no rive la ratifiche chel document nol è leç dal nestri Stât. Fin cumò la Italie e je ferme al prin pas: al someave che tal 2012 cul Guvier Monti al fos rivât il moment bon, ma dopo si fermât di gnûf".

Cuale ise la novitât di chescj dîs?

"Fin cumò no si jere mai lâts cussî indevant: lis dôs comissions competents, chê pai Afârs costituzionâi e chê pai Afârs forescj dulà che relatôr al è il senatôr furlan **Pegorer**, a àn adotât il test di fonde".

Si puedial fâ cualchi prevision pal iter?

"Cumò al è il moment des audizioni e tra i sogjets e sarà clamade ancje la Agjenzie regionâl pe lenghe furlane. Dentri dai 31 di Març al è il tiermin pe presentazion dai emendaments sul test di fonde. Po dopo a vignaran i parès dal Parlament e dopo al sarà clamât ancje il Guvier a esprimisi: chel al sarà il moment par capî cualis che a son lis intenzions concretis e il pussibil destin de norme".

Isal cualchi 'grop' particolar?

"O pensi che a sedin doi ponts, ma secont me marginâi: la cusion de tutele de lenghe dai Rom, previodude tal test, e la cusion dai coscj, ma ancje cheste si pues risolvî, propit parcè che la ratifiche e pues jessi fate daûr nivei graduâi di tutele. Dome se o rivarin a fâ une analisi razionâl e no emotive alore la ratifiche e sarà plui dongje".



ilfriuli@ilfriuli.it

radio
fantasy
fm

la radio tra la gente

www.radiofantasy.it

UDINE | VENETO ORIENTALE
PORDENONE

FM 90.700
FM 95.800

GORIZIA
TRIESTE

FM 89.100
FM 89.100

PAULARO
TOLMEZZO

FM 107.700
FM 101.600

SMS: 393 00 90700
diretta@radiofantasy.it
TEL. +39 0431 30022